



DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis duodecimâ
mensis Martii, anno Domini M. DCC. LXXII.*

M. BERNARDO-NICOLAO BERTRAND,

Doctore Medico, Præsidente.

An pro diversâ hepatis abscessuum indole, diversa curatio?

I.



ABSCESSUS, Græcis ἀποστημα, ea est tumoris CONTRA-
NATURAM species, quæ pure aut sanguine turget, & variis
pro variâ humoris contenti naturâ nominibus insignitur;
sic Atheromata, Meliceria, steatomata nuncupantur, prout
pultis, mellis, aut sebi speciem præ se fert purulentiae for-
mes. Hæc in propriis folliculis contenta ab aliis abscessibus
carnium, viscerum-ve inquilinis, & vicinas partes unde-
quaquæ rodentibus distinguuntur. Hujusmodi affectus etiam
in jecore stabulantur, & nil mirum, si, teste Boerhaavio (a),

in ultimis hujus visceris arteriarum venarumque finibus locum habeat inflammatio, unde suboriuntur puris congestiones, & vera in hoc viscere apostemata: & certe

(a) In Apho-
rismis. n.º 215.

(b) Astruc, maladies du B. V. : Bartholin obser. Vol. 73.

quod commonstrat experientia, illud ratio renuere nequit; si verò ab hepatide repetendi sint ii abscessus, alii tamen absque inflammatione præmissâ sæpe generantur, & velut pectoris vomicæ, ad tubercula strumosa referuntur (b). Eæ suppurationes frigidæ, quæ tum à sympathicâ, tum ab idiopathicâ causâ, & ab humorum præva ipsæ sobolescere queunt, à calidis congestionibus differunt præsertim ratione symptomatum quæ prænunciant suppurationem brevi futuram.

I I.

QUOTIES humanæ compagis aliqua pars inflammatione corripitur, toties rubore, tumore, calore, doloreque afficitur: hæc sunt legitimi phlegmonis signa, quæ abscessum semper antecedunt. Si ex iis quædam desint, vel sint remissiora, in infarctum, vel si fas ita loqui, in spurium phlogosim definit inflammatio, quæ generatim duobus modis curari potest, nempe resolutione, & suppuratione. In hepatis verò affectibus tum ob peculiarem ejus structuram, tum ob humoris huc affluentis indolem prior raro, sæpius, posterior insequitur. Hæc quidem præfigitur, cum septem aut octo diebus vix elapsis hepatidis signa, scilicet in jecoris regione dolor obscurus, vellicationes, puncturæ leves, febricula, icterus quandoque, præierunt; statim adaugetur hypocondrii dextri elevatio, dolor, tensio, loci calor; præsertim verò, cum recrudescit symptomata febris, ingruit virium prostratio, de suppuratione certè pronuntiabis. Ast ubi pus confectum, jam prædicta mitescunt symptomata, minuitur dolor, tensio; febriculâ hæcticâ, siti ingente cruciatur æger; & digitus purulentam tumoris emolliti fluctuationem premens brevi persequitur. Cum autem, nullâ inflammatione prægressâ, dolose huc subrepserit tabificus latex, hunc in hepate delitescere non immeritò suspicaberis; si, jam à longo tempore lentâ & intermittente febre laboret æger, vagis horroribus frigidoque prematur sudore, & totum illius corpus deturpet livida macies: si acerbâ ventriculi resolutione torqueatur, ædematoso gravetur pedum tumore, & turbidas ac lateritias excernat urinas; tunc hæc esse frigidæ suppurationis prænuntia symptomata asserere ne dubites.

I I I.

(a) Aphor. 45. sect. 7.

(b) Medicin. Chirurg. observ. tom. 1. (c) 138. de prognost.

QUAM gravia sint hepatis apostemata, quàm incertus eorum eventus, & ædua curandi methodus, quotidiana satis comprobata experientia. Scernendæ bilis sufflaminatio, chyli depravatio, impedita nutritio, naturalium functionum ataxia, totidem sunt signa quæ miseri decumbentis perniciem minitantur. Et verò, si sit Hippocrati fides (a), Qui *suppurato hepate urantur aut secantur, si purum pus aut album fluat, supersues evadunt; ipsis enim pus est in tunica: si verò qualis amurea fluat, pereunt*. Attamen abscessus in ipso jecoris *parenchymate* nidulantes feliciter se sanasse refert Joann. Scultet (b). Hepatis apostemata, quæ intus vel extus aperiuntur, ab Hippocrate (c) periculosa habentur. Reverâ si pus resorbeat hepaticis venis, deteriora vaticinamur: si verò ad duodenum virus illud devehant bilis emissarii, statim per totum corpus graves concitantur tragædiæ, velut tormina, colici dolores, tum griseæ, tum albide, tum etiam fatidissimæ dejectiones; statim diris anxietatibus circâ præcordia angitur æger inextinguibili siti exsiccat, dum per languidos artus terpit febrilis æstus. Sufflaminatis tunc febre & ictero, faustum nunciatur omen. Sin minus, suppuratio certa, anceps curatio: verum desperata salus, si ruptis compibus in abdomen evomatur, vel in pectoris cavum resiliat materies fatidissima.

Per vomitum, urinas, alvi fluxum, aliaque corporis exernicula, tabi foràs amandati nec rara prostant exempla (d), sed in his casibus sola sibi parat natura triumphum. Huic providæ matri committenda est sanationis cura, si nihil ad ægri salutem ars moliri queat, & in parte jecoris concavâ supernâ, vel diaphragmaticâ hæreat collectio puris. Verùm si sub duarum postremarum & spuriarum costarum limbo in folliculo tegumentis exterioribus coalito congeratur sanies [quæ cohærentia satis dignoscitur, dum manu partes externas versus interiora repellente non recedit hepar], tunc advocandum erit citum & tutissimum Chirurgiæ auxilium.

(d) Bianchi.
Hill. hæc.

I V.

HIS igitur probè cognitis, si non obstant ægri collapsæ vires, & urgeat periculî præsentia, pus sine morâ deprome. Etsi sola per se suppurationem ut plurimum maturet natura, sapissimè etiam hæc artis opem advocet. Nec effici, nec putrefieri queunt tegmenta, quando puris altius reconditi manet fomes teterimus. Itaque, si cum exterioribus involucris coalescat hepatis apostema, nec remediis emollientibus topicis & maturantibus usurpatis satis relaxetur corii textus ut sponte suâ disrumpatur, hunc prærumpere non cunctaberis, ne crudeliore turbas iniùs luscitet subfuscum tabum accescens. Enim verò, *Quæ medicamenta non sanant, ea ferrum sanat. Quæ ferrum non sanat, ea ignis sanat.*... ait Hippocrates (a). Hanc ad operationem exequendam ferrum candens admovebat medicinæ princeps, ut securam tutius sisteret hemorrhagiam, sed ex quo non reformidatur, apud recentiores fere omnino actualis cauterii obsolevit usus; & insuper, si qua foret, vasorum ligatura, styptici pulveres, & astringentes aquæ benigniori modo medici scopum attingerent. Quos autem perterret ferrum, in omnibus casibus ei lapidem causticum anteponunt: sed quis, artes nostræ limina salutans, hunc in frigidis, illud in calidis suppurationibus anteponendum esse non noverit? Hæc citò ferrum expostulant, ne diutius retenta coluvies, & acrior evasura in *gangranam*, aut *scirrhum* transmutetur: frigida verò indigent causticis, quæ calorem & phlogosim accersant, & materiam abscessus degenerem in pus oleosum & laudabile convertant. Hinc igitur re adductâ, Lancistolâ vel scalpello, non vernaculo triangulari, nisi (b) dubio hepatis in abscessu, aperiatur illud apostema, cavendo præsertim nè cultello deorsum nimis impulsio, & amicis adhæSIONIBUS solutis pus abdominis viscera deturpet. Liberior ut sit humoris stagnantis effusio, & patientior exitus, decussatim fiat tegumentorum incisio, quæ, si corporis longitudini parallela foret, nativâ fibrarum elasticitate, nec mundato ulcere, brevî coalesceret.

(a) Aphor.
6. sect. 8.

(b) Vide The-
sim M. le
Thénulier,
anno 1735.

V.

EX dictis patet quæ sit abscessuum hepatis indoles, & quænam, ratione purulenti laticis, insituenta curatio. Hujus sanè omnem paginam non implevit, qui, ferro vel causticis præruptâ cute, suppuratam *instar loturæ carnis* materiem è folliculo abstulit, cum ex sequentibus pendeat perfecta sanatio. Diductis igitur insisti vulneris decussati marginibus, & evacuato pure, linamentum tenue, & multoties carptum, digestivo simplici cum therebentinâ & ovi viello illitum leniter immitatur in laccium, ut abilius fundo imminens arceatur putredo, ex parietibus undique depluens absorbeatur corrosiva sanies, ut nova membranarum & carniū sobolescat regeneratio, & ab immediato aëris contactu servetur. Prætermittatur

detergentes nimum & plus iusto decantatas injectiones, quæ horripilationem, motumque febrilem procreare valent. Idcirco potiori jure resinosa, spirituosâ, balsamica uno verbo anti-septica remedia extus exhibita, intus amara, v. g. kinakina jubemus. Quid plura? incassum nobis aliquid objicerent adversarii, cum & observationibus & ratiocinio & experientiâ innitatur nostra conclusio:

Ergo pro diversâ hepatis abscessuum indole, diversa curatio.

DOMINI DOCTORES DISPUTATURI.

*M. Joannes - Nicolaus
MILLIN DE LA COUR-
PEAULT, Anatomæ &
artis obstetriciæ in gratiam
Matronarum Professor.*

*M. Claudius-Thomas Guil-
lelmus GUILBERT DE
PRÉVAL, Rei Herbatæ
Professor, Christiani VII.
Daniæ & Norvegiæ Regis
Consultarius Medicus, &
Medicis Consiliis necnon
Rerum Medicarum à Re-
latione.*

*M. Julianus BUSSON,
Nosocomiorum Regiorum
in Britannia Inspector.*

*M. Theophilus DE BOR-
DEU, Eques, Nosocomii
Regii & militaris Bare-
ngensis Medicus designatus.*

*M. Jacobus GOURIEZ
DE LA MOTTE.*

*M. Petrus BERCHER, Fa-
cultatis ex-Decanus &
Academiæ Censor, utrius-
que Pharmaciæ Professor,
Regiæ Hispaniarum In-
fantis, dum viveret, nec-
non Regii exercitus ad In-
finum Rhenum in ultimo
bello Medicus primarius.*

*M. Petrus-Abrahamus PA-
JON DE MONCETS,
Eques, Societatis Litera-
riæ Catalaunensis Socius.*

*M. Simon-Antonius BRIN-
GAUD.*

*M. Benjamin - Ludovicus
LUCAS DE LAUREM-
BERT.*

Proponerebat Parisiis HENRICUS-JOANNES BAGET, Parisinus, Saluberrimæ
Facultatis Medicinæ Parisiensis Baccalaureus, Theosæ Auctor. A. R. S. H. 1772.

▲ SEXTA AD MERIDIEM.